

Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. 34, 23. november 2017-imeersoq

Nunap immikkoortui

§ 1. Kalaallit Nunaat nunap immikkoortuinut Kitaanut, Avannaarsuanut Tunumullu aggorneqarpoq, taakkulu killingi ima aalajangersarneqarput:

1) Kitaa. Kujammut kimmullu killigai Atlantikoq, Ikersuaq Davis Avannaatalu Imaa. Avannamut killigaa titarneq allorniusat sanimukartut avannamut 78°-iata allorniusat ammukartut kimmut 44°-iata naapiffiannit allorniusat sanimukartut 75°-iata Kalaallit Nunaata kimmut sineriaanut attuunneranut, tassanngaanniillu titarneq narlusuumik nangiinnarlugu immap killilernerani titarnermut aallaaviusumut (basisliniamut). Kangimut killigaa allorniusat ammukartut 44°-iata 78°-mik naapiffianniit kujammorluinnaq allorniusat sanimukartut avannamut 61°-iata, kimmullu 44°-ianut. Tassanngaanniit killinga ingerlaqqissaaq allorniusat sanimukartut avannamut 60° 40'-p allorniusat ammukartut, kimmukartut 44° 20'-ata naapiffiannut, tassanngaanniillu Kangerlussuatsiap qeqqa atuarlugu Atlantikumut.

2) Avannaarsua. Kimmut avannamullu killigai Avannaata Imaa, Puikkaasorsuaq, Kane Basin, Kennedy Kanal, Hall Basin, Robeson Kanal aamma Sikuiutsoq Avannarleq. Kujammut killigai Kitaanut Tunumullu killeqarfigitinneqartut.

3) Tunu. Kangimut killigaa Atlantikoq. Avannamut Nordostrundingimiit titarneq Romersøenip avannaani kuuit tunussutigiillutik kuuttut aariaannut Nuna Kunngi Christian aqqusaarlugu sermersuup sinaanut, tassanngaanniillu narlusuumik ingerlaqqilluni allorniusat sanimukartut avannamut 78°-iat allorniusallu ammukartut kimmut 44°-iata naapiffiannut. Kimmut kujammullu killigaa Kitaata kangimut killinga.

Imm. 2. Killeqarfiliineq pillugu ilanngussaq 1 innersuussutigineqarpoq.

Kommunit

§ 2. Kalaallit Nunaat aggorneqarpoq kommuneqarfinnut Kommune Kujalleq, Kommuneqarfik Sermersooq, Qeqqata Kommunia, Kommune Qeqertalik, Avannaata Kommunia.

Imm. 2. Killingisa aalajangersarneqarnert pillugu ilanngussat 2-4 innersuussutigineqarput.

Kommuneqarfiit killingisa aalajangersarneqarnerat

§ 3. Kommuneqarfiit killingi ataani imm. 2-6-imi taaneqartut aalajangersarneqarput.

Imm. 2. Kommune Kujalleq: Kommuneqarfiup avannamut killingata aallaavigai kangimut Irmingerhavet qeqertap Timmiarmiut avannaaniittoq tassunnga avannamut kimmut kangerluk Timmiarmiit Kangertivat atuarlugu kangerluup qinnguanut sermip nakkaavianut Snehatten-ip kitaani. Killinga sermip nakkaasup qeqqatigut sermersuarmut ingerlavoq narlusuumillu titarlugu allorniusap

avannamut 62° 44' 50"-ip kimmullu 44° 00' 00"-imut (WGS 84). Tassannga titarnej narlusuumik kujammut-kangimut Sermersuaq ikaarlugu allorniusat avannamut 61° 04' 10", kimmut 47° 36' 18" (WGS84). Sumiiffimmit tassannga killinga ingerlavoq Qipisaqqup Sermia Avannarleq atuarlugu, taanna qiteraarlugu kangerlummumut, tassanngaaniit qeqertaq Sannerut kangimut kujammullu uiarlugu imaanut atalluni. Kommuneqarfiup kimmullu killingi tunngaviusumik killigittinneqarput tak. § 4.

Imm. 3. Kommuneqarfik Sermersooq: Kujammut aamma kujammut-kimmullu killingata Kommune Kujalliup killingi assigai. Avammut killinga kitaani Davis Strædemiit ikerasak Oqummiap Paava atuarlugu Upernivik avannaqqullugu, kangimut avannamut-kangimullu Oqummiap Tasersuatigut, qoroq Naqinersua atuarlugu. Tassanngaaniit Quassuup Quassuttarsuullu aariaat atuarlugu tassanngalu kangimut avannamut-kangimullu taseq Tasersuaq atuarlugu sermeq Saqqap Sermia atuarlugu Sermersuaq kangimut 66° 22' 00" atuarlugu allorniusaq avannamut 65° 22' 00", kimmut 44° 00' 00" (WGS 84). Allorniusamit tassannga kimmullu killingata atuarpaat allorniusaq sanimukartoq kimmullu 44 avannamut allorniusaq avannamut 71° 00' 00", kimmullu 44° 00' 00" (WGS 84). Avannamut kangimut kommuneqarfik killeqarpoq titarnermik Kap Biotimiit (Flemming Fjordip avanna-tungaani qaqqajunnaq allorniusaq sanimukartoq 72° -mit 10 km miss. kujasitsigisumi) kimmullu qaqqap aariaa atuarlugu tassanngaaniit Staunings Alper kangiatungeqqullugit tatsit Kaporniagaqartit Kangittiit Imiat aamma Kaporniagaqartit Kittiit Imiat avannaqqullugit. Taava kimmullu Stormpyntimut Kangersik Kiatteq-up avannaamut sineriaatigut, tassannga Kangersik Kiatteq-up avannamut sineriaa atuarlugu qeqertamut Immikkeertaa. Immikkeertaa kangerluk ikaarlugu ingerlaqqilluni Tuttut Nunaat napillugu sermimut Aqissip Kangersivata avanna-tungaanut aamma tassanngaaniit Nunatarpaat kujaqqullugit allorniusaq avannamut 71° 00' 00" kimmullu 28° 50' 00" (WGS84). Tassanngaaniit allorniusaq sanimukartoq atuarlugu avannamut 71° 00' 00", kimmullu 44° 00' 00" (WGS 84). Avannamut killingata peqatigaa Tunup Avannaani Nunap Allangutsaaliukkap killinga (tak. § 5). Kommuneqarfiup kimmullu kangimullu killingi tunngaviusumik killeqarfittut killilerneqarput tak. § 4.

Imm. 4. Qeqqata Kommunian: Kujammut kangimullu Kommuneqarfik Sermersooq-mut killeqarpoq. Avannamut killinga immamiit Nassuttoq atuarlugu Kuup Akuanut ingerlaqqillunilu Kuuk atuarlugu Inuppaat Quuat-nut, tassannga killinga kangimut titarnej narlusooq atuarlugu Kommuneqarfik Sermersuup killinganut kangimut killeqarpoq, allorniusat avannamut 67° 32' 00", kimmullu 44° 00' 00" (WGS 84). Kommuneqarfiup kimmullu killingi tunngaviusumik killeqarfittut killilerneqarput, tak. § 4.

Imm. 5. Kommune Qeqertalik: Kujammut Qeqqata Kommunianut kujammut kangimullu Kommuneqarfik Sermersooq-mut killeqarpoq. Avannamut kommuneqarfik killeqarpoq imartanut Maligaat aamma Sullorsuaq Qeqertarsuup avannaanut kujammullu ingerlaqqilluni Qeqertarsuup Tunua aqqutigalugu. Kitsissunnguit qeqertaata avannaaniit Tasiusaarsuit Kujalliit tungaanut killeqarpoq. Tassannga kuuk aqqusaarlugu, Naajannguit kujataatigut Eqaluit naqqanut, tassanngaaniit narluusumik ingerlaqqissaq Qangattalimmumut, kujammut-kangimut Saqqarliup akornatigut, semersuaq Saqqarliup Sermia aqqusaarlugu tassanngaanniillu narluusumik Kangiata Kitaatalu killinganut.

Imm. 6. Avannaata Kommunian: Kujammut killinga Kommune Qeqertalik-up avannaata killinga. Kangimut kommuneqarfik killeqarpoq Kommuneqarfik Sermersuup killinganut avannamut 71° 00' 00", kangimut 44° 00' 00" (WGS 84) killinga ingerlaqqissaq avannaanut Kangiata Kitaatalu killingisa akornatigut avannamut 78° 00' 00", kimmullu 44° 00' 00" (WGS 84). Tassanngaaniit semersuaq ikaarlugu Petermanns Gletscher-ip tungaanut aamma Kennedy Kanal aqqusaarlugu. Kommuneqarfiup kimmullu avannamullu tunngaviusumik killeqarfianit killilerneqarput tak. § 4. Kommuneqarfiup

Pituffimmut tunngatillugu killingi pillugit tak. § 5.

§ 4. Kommuneqarfiit immamut killingi tunngaviusumik killeqarfittut killilerneqarput, tak. United Nations Bulletin no. 56, Imavinni Pisinnaatitaaffiit pillugit Isumaqatigiissut.

Imm. 2. Taamaakkaluartoq kommunalbestyrelsit pineqartut Naalakkersuisut akuersineratigut sumiiffimmi maleruaqqusanik aalajangersaasinnaapput tunngaviusumik killeqarfinnik iluani atuuttussanik.

Aalajangersakkat immikkut ittut

§ 5. Kommuneqarfinnut aggorneqarnerup avataatigut ingerlanneqarput:

- 1) Kalaallit Nunaata illersornissaa pillugu Angerfigeqatigiissut 27. april 1951-imeersoq malillugu danskit Amerikamiullu sakkutooqarfii. (Pituffik).
- 2) Tunup Avannaani Nuna Allanngutsaaliugaq. Kalaallit Nunaanni pinngortitamik eqqissisimatitsineq pillugu Inatsisartut inatsisaanni §1, imm. 2-p 3-llu allannguutaat pillugu Nunap allanngutsaaliukkap killingi Inatsisartut inatsisaatigut nr. 15, 9. november 1988-imeersukkut aalajangersagaapput.

§ 6. Naalakkersuisut pisuni ataasiakkaani killingit pillugit najoqqutassanik erseqqinnerusunik aalajangersaasinnaapput.

§ 7. Kommuneqarfiup aqqanik allannguneq pisinnaavoq taamaallaat Naalakkersuisut siusinaartumik akuersineratigut Nunat Aqqinik Aalajangiisartut innersuussutaat malillugit.

Atuutilerpera

§ 8. Inatsisartut inatsisaat ulloq 1. januar 2018 atuutilissaaq. Peqatigitillugu atorunnaassaaq Kalaallit Nunaata nunap immikkoortuinut kommuninullu aggornera pillugu Inatsisartut inatsisaat nr. 15, 5. december 2008-meersoq.

Namminersorlutik Oqartussat, ulloq 23. november 2017.

Kim Kielsen